

CONSELLERÍA DE SANIDADE

SECCIÓN 13

1. COMPETENCIAS

O Estatuto de Autonomía para Galicia, aprobado pola Lei orgánica 1/1981, do 6 de abril, establece o seguinte cadro de competencias en materia de Sanidade e actividades complementarias á mesma:

1. O desenvolvemento lexislativo e a execución da lexislación básica do Estado en materia de Sanidade interior (art. 33.1).
2. En materia de Seguridade Social: o desenvolvemento lexislativo e a execución da lexislación básica do Estado, agás as normas que configuren no réxime económico da mesma (art. 33.2, parágrafo primeiro), así como a xestión do seu réxime económico, sen prexuízo da Caixa única (art. 33.2 parágrafo segundo).
3. A execución da lexislación do Estado sobre produtos farmacéuticos (art. 33.3) e o desenvolvemento lexislativo e a execución da lexislación do Estado en materia de establecementos farmacéuticos (art. 28.8).
4. A organización e administración, dentro do seu territorio, de todos os servizos relacionados coas materias antes expresadas e o exercicio da tutela das Institucións, Entidades e Fundacións en materia de Sanidade e Seguridade Social, reservándose o Estado a alta inspección conducente ao cumprimento das funcións e competencias contidas neste artigo (art. 33.4).

No marco da planificación xeral sanitaria do Estado e dentro do seu ámbito de actuación territorial, corresponde á Xunta de Galicia, como competencias transferidas, a organización, programación, dirección, resolución, control, vixilancia, tutela, así como a sanción e intervención nas actividades e servizos seguintes:

1. Control sanitario de :
 - a) Augas de bebidas.
 - b) Augas residuais.
 - c) Residuos sólidos.
 - d) Contaminación atmosférica.

- e) Vivenda e urbanismo.
 - f) Locais e edificios de convivencia pública ou colectiva.
2. Actividades sanitarias relacionadas cos establecementos e industrias molestas, insalubres, nocivas e perigosas.
 3. O control da publicidade médico-sanitaria á que se refire o R.D 2827/1977, do 20 de xullo, e disposicións complementarias ós órganos da Administración do Estado.
 4. O estudo, vixilancia e análise epidemiolóxica dos procesos que inciden positiva ou negativamente na saúde humana.
 5. Os programas sanitarios tendentes á protección e promoción da saúde, tales como os da hixiene maternal, infantil, escolar, industrial, laboral, deportiva, mental, así como as accións sanitarias permanentes en materia de enfermidades transmisibles e non transmisibles, antroponozoonose e educación sanitaria.
 6. O desenvolvemento de programas de formación en materia de saúde pública en coordinación coa Administración do Estado, na forma que se establece regulamentariamente.
 7. O outorgamento da autorización oportuna para a creación, construción, modificación, adaptación ou supresión de Centros, Servizos e Establecementos Sanitarios de calquera clase e natureza, engadindo os Balnearios e as Entidades de Seguro Libre de Asistencia Médico-Farmacéutica.

Exceptúanse as autorizacións que se refiran aos laboratorios ou establecementos de elaboración de drogas, produtos estupefacientes, psicotrópicos ou especialidades farmacéuticas semellantes e as súas materias primas e material instrumental médico, terapéutico ou correctivo.

8. O control sanitario de produción, almacenamento, transporte, manipulación e venda de alimentos, bebidas e produtos relacionados, directa ou indirectamente, coa alimentación humana cando estas actividades se desenvolvan en Galicia.
- 9.

Como consecuencia do R.D. 1679/1990, do 28 de decembro, sobre o traspaso á Comunidade Autónoma de Galicia das funcións e servizos do Instituto Nacional da Saúde, asúmense tamén as seguintes competencias:

1. As funcións correspondentes aos Centros e establecementos sanitarios, asistenciais e administrativos da Seguridade Social xestionados polo Instituto Nacional da Saúde na Comunidade Autónoma.
2. As funcións encomendadas pola lexislación vixente ás Direccións Provinciais da citada Entidade Xestora da Seguridade Social, así como as funcións correspondentes ao Ministerio de Sanidade e Consumo respecto a ditas Direccións Provinciais.
3. A elaboración e a execución dos plans de inversión que se aproben en materia sanitaria na Comunidade Autónoma, así como a xestión das inversións en curso.
4. A contratación, xestión, actualización e resolución dos Concertos con Entidades e Institucións Sanitarias ou Asistenciais que presten servizos na Comunidade, dentro dos límites orzamentarios.
5. A creación, transformación e ampliación, dentro dos límites orzamentarios así como a clasificación e supresión dos centro e establecementos sanitarios en réxime ordinario ou experimental, dos Centros Asistenciais e Administrativos do INSALUD na Comunidade Autónoma, de acordo coa lexislación básica do Estado.
6. As funcións de xestión que realiza o Instituto Nacional da Saúde a través dos seus Servizos Centrais, no que se refire ao territorio de Galicia e, entre eles, a Inspección de servizos de xestión das prestacións sanitarias da Seguridade Social.
7. A planificación de programas e medidas de asistencia sanitaria da Seguridade Social no ámbito da Comunidade, de acordo coa lexislación básica do Estado.
8. A análise e avaliación do desenvolvemento e resultados da acción sanitaria da Seguridade Social en Galicia.
9. A organización e réxime de funcionamento dos Centros e Servizos de Asistencia Sanitaria da Seguridade Social na Comunidade Autónoma, así como a definición de criterios xerais para a avaliación da eficacia e rendemento dos programas Centros ou

Servizos Sanitarios na Comunidade Autónoma, todo iso de acordo coa normativa básica do Estado e a normativa reguladora do Réxime Económico da Seguridade Social.

Por outro lado, a través do R.D. 212/1996, do 9 de febreiro, transferíronse á Comunidade Autónoma de Galicia as funcións e servizos da Seguridade Social en materia de asistencia sanitaria encomendada ao Instituto Social da Mariña, en concreto a asistencia sanitaria dos traballadores do mar e os seus beneficiarios, dentro do territorio da Comunidade Autónoma. Non obstante continúan sendo competencias da Administración do Estado, a asistencia sanitaria dos traballadores do mar a bordo e no estranxeiro así como a información sanitaria ao traballador do mar, educación e distribución da guía sanitaria a bordo, a práctica de recoñecementos médicos previos ao embarque, inspección e control dos medios sanitarios a bordo e das condicións hixiénicas das embarcacións.

Dentro dos obxectivos do Servizo Galego de Saúde de integrar dentro da súa rede asistencial os centros sanitarios das corporacións locais, traspasáronse á Comunidade Autónoma de Galicia:

1. O Hospital Médico-Quirúrxico Provincial e o Sanatorio Psiquiátrico de Conxo e a rede asistencial do mesmo, dependentes da Deputación Provincial da Coruña (Decreto 373/1992, do 17 de decembro).
2. O Hospital Provincial Santa María Nai, dependente da Deputación Provincial de Ourense (Decreto 22/1993, do 28 de xaneiro).
3. O Hospital Municipal Nicolás Peña, dependente do Concello de Vigo (Decreto 27/1994, do 4 de febreiro)
4. O Hospital Provincial e o Sanatorio Psiquiátrico do Rebullón, dependentes da Deputación Provincial de Pontevedra (Decreto 58/1996).

Debe tamén sinalarse o traspaso á Comunidade Autónoma de Galicia de medios persoais adscritos ao Hospital Militar da Coruña, en virtude do R.D. 1432/1996, do 7 de xuño.

Tamén, a través do R.D. 1379/1997, do 29 de agosto, traspasáronse á Comunidade Autónoma de Galicia as funcións e servizos da Administración do Estado en materia de execución da lexislación do Estado sobre produtos farmacéuticos nos termos establecidos na Lei 25/1990, do 20 de decembro, do medicamento, e, en especial, os seguintes:

1. Autorización das mensaxes publicitarias para difusión limitada á Comunidade Autónoma.
2. Control da promoción dirixida a profesionais sanitarios.
3. Verificar que os laboratorios farmacéuticos realizan os controles esixidos.
4. Accións inspectoras que desencadeen suspensión ou renovación das autorizacións.
5. Programas de control de calidade dos medicamentos.
6. Información das reaccións adversas dos medicamentos.
7. Inspección en materia de ensaios clínicos.
8. Inspección de execución da lexislación de produtos farmacéuticos.
9. Potestade sancionadora en materia de produtos farmacéuticos.
10. Peche temporal de establecementos.
11. Realización de inspeccións de boas prácticas de laboratorios.

Por último polo Decreto 373/2003, do 16 de outubro, asumíronse pola Comunidade Autónoma de Galicia as funcións en materia de fomento da cultura e da investigación en Galicia e o desenvolvemento lexislativo e execución en materia de corporacións de dereito público representativo de intereses económicos e profesionais. Neste Decreto adscribiuse á Consellería de Sanidade a Real Academia de Medicina e Cirurxía de Galicia.

O Decreto 232/2005, do 11 de agosto, fixou a estrutura orgánica dos departamentos da Xunta de Galicia. En canto á Consellería de Sanidade estrutúrase nos seguintes órganos superiores:

1. Secretaría Xeral.
2. Dirección Xeral de Saúde Pública
3. Dirección Xeral de Aseguramento e Planificación Sanitaria

Por outra banda, no citado Decreto 232/2005, estrutúrase o Servizo Galego de Saúde, adscrito organicamente á Consellería de Sanidade, nos seguintes órganos superiores:

1. Secretaría Xeral do Servizo Galego de Saúde
2. División de Asistencia Sanitaria
3. División de Recursos Económicos
4. División de Recursos Humanos e Desenvolvemento Profesional

A nova estratexia adoptada pola Consellería de Sanidade ven marcada pola conformación dun sistema sanitario que obteña resultados satisfactorios, a través dos profesionais sanitarios, para a cidadanía de Galicia, mulleres e homes, e cunha organización sanitaria eficaz, equitativa, eficiente e de calidade. Este posicionamento está impregnado duns valores que deben ser tidos en conta en todos os niveis e procesos do Sistema Sanitario Galego.

De xeito tal que, para considerar unha actuación como axustada a estes parámetros, ten que obter os resultados desexados, pero, ademais, respectando os valores ou criterios seguintes:

1. Obter resultados positivos no ámbito da saúde das galegas e dos galegos, así como nos dereitos recoñecidos na lexislación sanitaria, na humanización da medicina, tanto en niveis obxectivos como de satisfacción percibida, evitando desigualdades en saúde por razón de xénero.
2. Promover e potenciar o carácter público do sistema sanitario galego.
3. Actuar con eficiencia en todos os seus niveis orgánicos e asistenciais para garantir a sostibilidade financeira do sistema.

4. Basear todos os obxectivos e resultados da organización na participación real e continua de profesionais, cidadanía e, en xeral, de toda a sociedade galega.
5. Incorporar, por primeira vez, o enfoque de xénero no orzamento de Sanidade cunha nova orientación dos servizos sanitarios. Iniciaremos actuacións dirixidas a transformar o Sistema nunha organización sensible ás desigualdades de xénero, froito das políticas de calidade e modernización sanitaria de Galicia, recollidas nas Directrices de Planificación e Ordenación.

De acordo con iso o Decreto 45/2006, do 23 de febreiro, estableceu a nova estrutura orgánica da Consellería de Sanidade levando a cabo as necesarias modificacións na mesma co fin de desenvolver o papel que lle corresponde como autoridade sanitaria e como órgano responsable da dirección do sistema sanitario de Galicia e fixándolle as seguintes funcións:

1. Fixar os obxectivos de mellora da saúde.
2. Garantir o dereito ás prestacións sanitarias de cobertura pública.
3. Delimitar os dispositivos e medios de titularidade pública ou adscritos ao sistema, segundo as necesidades de saúde da poboación.
4. Dirixir a rede galega de atención sanitaria e realizar as actuacións de autoridade sanitaria.
5. Desenvolver, en definitiva, un modelo organizativo que se axuste paulatina e progresivamente cara á consecución dos obxectivos estratéxicos establecidos nas directrices de Política Sanitaria de Galicia acordadas polo Consello da Xunta de Galicia do vinte e sete de outubro do dous mil cinco.

Estas funcións desenvolveranse de acordo cos principios sinalados na dirección axeitada cara á redacción da nova Lei de saúde de Galicia, que supere a actual Lei 7/2003 de ordenación sanitaria de Galicia (Losga), con especial énfase na orientación cara á cidadanía e á participación social, na concepción integral da saúde, na universalidade do

dereito ás prestacións de cobertura pública, na promoción da equidade, no acceso aos servizos e ás prestacións sanitarias e no equilibrio territorial, cunha atención de calidade personalizada e humanizada, tanto na vertente clínica e organizativa coma na atención á cidadanía e tendo en conta a necesidade de evitar as desigualdades por razón de xénero.

No modelo organizativo, e polo tanto na estrutura, sepáranse a planificación, o financiamento e a avaliación da xestión, que lle corresponden á Consellería de Sanidade, respecto da execución, que lle corresponde ao Servizo Galego de Saúde. Este organismo, ao que se lle encomenda con carácter xeral a dobre función de compra e provisión de servizos sanitarios, está adscrito á Consellería de Sanidade, que exerce sobre el as funcións de dirección, vixilancia e tutela.

Para o desenvolvemento das competencias que no ámbito sanitario lle corresponden á Comunidade Autónoma de Galicia, a Lei 7/2003, do 9 de decembro, de ordenación sanitaria de Galicia no seu título IV, establece que no Servizo Galego de Saúde se integran todos os centros, servizos e establecementos sanitarios de titularidade da Administración autonómica galega, e atribúelle á Consellería de Sanidade o exercicio das facultades de dirección, vixilancia e tutela sobre o Servizo Galego de Saúde e, en particular, o exercicio das potestades regulamentarias e das restantes disposicións que sexan de aplicación.

O Servizo Galego de Saúde, creado pola Lei 1/1989, configúrase como un organismo autónomo de natureza administrativa, dotado de personalidade xurídica propia e plena capacidade para o cumprimento dos seus fins e lle corresponde:

1. Exercer o goberno, a dirección e a xestión dos centros, servizos e establecementos sanitarios propios ou adscritos, garantindo a provisión dos servizos e prestacións de asistencia sanitaria de cobertura pública.
2. Distribuír os recursos económicos afectos ao financiamento dos servizos e prestacións de asistencia sanitaria de cobertura pública, mediante a compra da actividade asistencial aos centros, servizos e establecementos da rede galega de atención sanitaria de utilización pública.

3. Coordinar a xestión dos recursos humanos, materiais e financeiros que teña asignados.
4. O establecemento, a xestión e a actualización dos acordos, convenios e contratos (calquera que sexa a súa tipoloxía e modalidade) con terceiras entidades titulares de centros, servizos e establecementos sanitarios.
5. Exercer aquelas outras funcións que lle delegue ou encomende a Consellería de Sanidade.

Ademais da prestación directa de asistencia sanitaria nos seus propios centros, ao Servizo Galego de Saúde correspóndelle tamén a coordinación da Rede Galega de Atención Sanitaria para a optimización de todos os dispositivos asistenciais integrados nela. Neste senso distribuirá con equidade os recursos económicos afectos ao financiamento dos servizos e prestacións de asistencia sanitaria de cobertura pública, mediante a dobre función de compra e provisión de servizos sanitarios, que se exercerán de forma separada.

A modernización e humanización do sistema sanitario público require incorporar modelos de xestión que o dinamicen. Deste modo, o Servizo Galego de Saúde e as súas áreas sanitarias deberán estar orientadas a garantir os dereitos cidadáns e a continuidade asistencial mediante unha organización centrada no paciente como base para asegurar a calidade da asistencia, que supere a tradicional separación entre a atención primaria e a atención especializada e, a tradicional ausencia da perspectiva de xénero nos programas de saúde, e que abranga a atención sociosanitaria, integrando todas as modalidades asistenciais de atención aos usuarios e usuarias.

Neste senso, o Decreto 46/2006, do 23 de febreiro, polo que se establece a estrutura orgánica do Servizo Galego de Saúde introduce na estrutura do Servizo Galego de Saúde fórmulas organizativas cunha visión lonxitudinal e integradora dos procesos asistenciais baseada na continuidade da atención sanitaria, co fin de acadar a coordinación, colaboración e cooperación de todos os provedores públicos, tendo como centro de atención o paciente, ao cal se lle deben garantir unha calidade obxectiva e uns tempos de atención axeitados.

Por último, na citada Lei 7/2003, de ordenación sanitaria de Galicia, dispónse que a xestión dos centros, servizos e establecementos asistenciais do Servizo Galego de Saúde pode levarse a cabo a través de entidades dotadas de personalidade xurídica propia.

Neste senso figuran adscritos á Consellería de Sanidade os seguintes organismos:

1. A **Fundación Hospital de Verín**, constituída en escritura pública outorgada o 15 de setembro de 1993 e cuxo obxecto, segundo consta nos seus estatutos é a realización, na zona de influencia, de actividades de promoción, prestación e xestión directa ou indirecta de recursos e servizos sanitarios, a docencia e investigación de ciencias da saúde e a promoción da saúde individual e colectiva da Comunidade en calquera das súas vertentes, así como a realización doutras actividades que poden axudar á consecución do obxectivo fundacional, desenvolvéndose todas estas actividades, con suxeición aos criterios de planificación e coordinación e ás directrices de carácter xeral emanadas da Consellería de Sanidade e do Servizo Galego de Saúde no ámbito das súas respectivas competencias.
2. A **Fundación Centro de Transfusión de Galicia**, constituída en escritura pública outorgada o día 2 de xuño de 1993 cuxo obxecto é a organización funcional da hemoterapia e hemodoazón na Comunidade Autónoma de Galicia incluíndo, entre outras funcións a promoción da hemodoazón e plasmaférese voluntaria, a programación de tódalas extraccións do sangue extrahospitalarias por medio de equipos móbiles, o procesamento de todas as unidades de sangue recollidas de forma extra e intrahospitalaria, o fraccionamento de sangue para a produción de hemoderivados básicos e o abastecemento de sangue e derivados a todos os hospitais e centros sanitarios públicos e privados da Comunidade Autónoma de Galicia con arranxo as súas necesidades.
3. A **Fundación Instituto Galego de Oftalmoloxía**, constituída en escritura outorgada o día 23 de decembro de 1994 e cuxo obxecto xenérico é a prestación de servizos especializados de consultaría, planificación, avaliación e prestación de servizos oftalmolóxicos de Alta Complexidade, docencia e investigación.

4. A sociedade pública autonómica **Instituto Galego de Medicina Técnica S.A.**, creada, ao amparo do art. 55, 2º do Estatuto de Autonomía de Galicia, polo Decreto 229/1994, do 14 de xullo, e que ten por obxecto prestar servizos especializados e integrais en xestión de servizos sanitarios e prestacións sanitarias a través da explotación de instalacións de Alta Tecnoloxía, o asesoramento no desenvolvemento de plans organizativos, operativos e loxísticos, a consultaría e a investigación en xestión de Servizos Sanitarios, Protección Radiolóxica, Radioterapia e Tecnoloxías afíns, o control de calidade en Protección Radiolóxica, Radioloxía, Radioterapia e Tecnoloxías afíns, e a realización doutras actividades conexas que se estimen necesarias.
5. **A Fundación Pública Hospital Virxe da Xunqueira**, constituída en escritura pública outorgada no ano 1997 que ten por obxecto a realización de actividades de promoción, prestación e xestión directa ou indirecta de recursos e servizos sanitarios, a docencia e investigación de ciencias da saúde, e a promoción da saúde individual e colectiva da comunidade en calquera das súas vertentes; a coordinación concreta do desenvolvemento da súa actividade realizarase a través do complexo hospitalario de referencia da área sanitaria onde se encontra a súa área de influencia.
6. **A Fundación Pública Hospital da Barbanza**, constituída en escritura pública outorgada en 1997, e que como se sinala nos seus estatutos, ten por obxecto a realización de actividades de promoción, prestación e xestión directa ou indirecta de recursos e servizos sanitarios, a docencia e investigación de ciencias da saúde, e a promoción da saúde individual e colectiva da comunidade en calquera das súas vertentes; a coordinación concreta do desenvolvemento da súa actividade realizarase a través do complexo hospitalario de referencia da área sanitaria onde se encontra a súa área de influencia.
7. **A Fundación Pública Escola Galega de Administración Sanitaria** constituída en escritura pública outorgada o día 29 de decembro de 1997 co obxectivo da formación e investigación nas materias de saúde pública e administración sanitaria dentro dos

criterios de planificación e as directrices de carácter xeral emanadas da Consellería de Sanidade e Servizo Galego de Saúde, ofertando a realización de cursos dirixidos á formación e perfeccionamento técnico no ámbito da Saúde Pública e Administración Sanitaria.

8. **A Fundación Pública Hospital do Salnés**, constituída en 1999 co obxecto da realización, dentro da súa área de influencia, de actividades de promoción, prestación e xestión directa ou indirecta de recursos e servizos sanitarios, a docencia e investigación de ciencias da saúde e a promoción da saúde individual e colectiva da Comunidade en calquera das súas vertentes.

9. **A Fundación Pública Urgencias Sanitarias de Galicia-061**, constituída en escritura pública outorgada o día 30 de xuño de 1999 e que ten por obxecto a realización de actividades de xestión, coordinación, consultaría, docencia e investigación prioritariamente en materia de atención extrahospitalaria en caso de emerxencia e urxencia sanitaria, así como no campo dos coidados críticos e na atención sociosanitaria, promovendo a eficacia, eficiencia e seguridade do sistema sanitario, e xestionando, para tal fin, a Central de Coordinación de Urgencias Médicas regulada na Orde do 9 outubro de 1995.

10. **A Fundación Pública Galega de Medicina Xenómica**, creada polo Decreto 451/2003, do 26 de decembro, co obxecto de desenvolver actividades relacionadas coa medicina molecular, entendida como o coñecemento sobre os xenos humanos, na que conflúen varias disciplinas das ciencias da saúde, xerado a partir da incorporación das distintas técnicas moleculares consecuencia dos avances nas áreas da xenética humana, a biotecnoloxía, a terapia xénica, a farmacoxenética ou a inmunoloxía molecular, así como o coñecemento e as aplicacións derivadas do proxecto xenoma humano.

A Lei 14/2004, do 29 de decembro, de medidas tributarias e réxime administrativo, engadiulle á Lei 7/2003, de ordenación sanitaria de Galicia, unha disposición adicional en

virtude da que se autorizaba ao Consello da Xunta “a adoptar as medidas tendentes á progresiva integración no réxime estatutario do persoal das fundacións públicas sanitarias, constituídas pola Comunidade Autónoma, e das Sociedades Públicas Autonómicas do sector sanitario”.

O Decreto 91/2007, do 26 de abril, de integración no réxime estatutario do persoal laboral do sector sanitario público por entidades adscritas á Consellería de Sanidade ven dar virtualidade á citada cláusula establecendo as bases ás cales deben suxeitar os procedementos de integración, coa finalidade de acadar a identidade de condicións de traballo dos profesionais do sistema sanitario público de Galicia.

De acordo con iso, publicáronse con data 24 de agosto de 2007 as Ordes do 14 de agosto polas que se regulan estes procedementos de integración do persoal das Fundacións Públicas Hospitalarias de Barbanza, Verín, do Salnés e Virxe da Xunqueira, así como do Instituto Galego de Oftalmoloxía.

2. OBXECTIVOS E LIÑAS DE ACCION PARA O ANO 2008

2.1 DA CONSELLERIA DE SANIDADE E DO SERVIZO GALEGO DE SAÚDE

O documento onde se establece o posicionamento estratéxico da política sanitaria en Galicia e os obxectivos da mesma para o conxunto da actual lexislatura, foi aprobado polo Consello da Xunta o 29 de outubro de 2005

Este novo modelo estratéxico do sistema sanitario galego orientarase cara ao seu obxectivo principal que é obter resultados satisfactorios para a poboación. A cidadanía de Galicia é a razón de ser do noso sistema sanitario, a súa saúde e os seus dereitos son o fin último de calquera recurso, profesional ou política do servizo sanitario.

Por iso, sen esquecer a importancia dun impacto positivo nos resultados dirixidos a outros dos eixes fundamentais como son os profesionais do sistema e a propia organización sanitaria, a actividade da Consellería de Sanidade e do Servizo Galego de Saúde dirixirase primordialmente á obtención de resultados para a cidadanía obxectivados nos seguintes indicadores:

1. Diminución dos riscos para a saúde da poboación.
2. Diminución da prevalencia das enfermidades máis importantes.
3. Diminución continua da mortalidade prematura evitable.
4. Mellora na calidade de vida de das e os doentes.

Á hora de definir os seus obxectivos é necesario sinalar que todas as actuacións e decisións, así como todos os niveis e procesos do sistema sanitario galego deben ter en conta os seguintes valores ou criterios fundamentais:

1. Os resultados desexados cara a cidadanía teñen que se obter en dous ámbitos:
 - A) Na saúde das galegas e dos galegos.
 - B) Nos dereitos recoñecidos na lexislación sanitaria, e na humanización da medicina, tanto en niveis obxectivos como de satisfacción percibida.

E ademais, garantindo a eliminación de calquera tipo de desigualdade.
2. O sistema sanitario galego promoverá e potenciará o seu carácter público.
3. O sistema sanitario galego ten que actuar con eficiencia en custos de todos os seus niveis orgánicos e asistenciais para garantir a sostibilidade financeira do sistema.
4. Todos os obxectivos e resultados da organización deberán estar baseados na participación real e continua de profesionais, cidadáns e, en xeral, de toda a sociedade galega.
5. O Sistema sanitario galego incorporará a perspectiva de xénero nos procesos asistenciais.

Tendo en conta o indicado anteriormente, para obter os obxectivos desexados, dende a Consellería de Sanidade identificáronse as seguintes **liñas estratéxicas para o período 2005-2009**:

1. Garantir o efectivo exercicio dos dereitos recoñecidos na lexislación sanitaria.
2. Promover unha xestión transparente do sistema sanitario.
3. Mellorar a continuidade asistencial entre a Atención Primaria, e a Atención Especializada.
4. Motivar e apoiar aos profesionais sanitarios cara os resultados na saúde e nos dereitos da cidadanía.
5. Prestar uns servizos sanitarios de calidade.
6. Aumentar a eficiencia na xestión e na prestación dos servizos sanitarios.

7. Mellorar os sistemas de información sanitaria cara a planificación, a xestión e a prestación dos servizos sanitarios.
8. Reorientar o sistema sanitario para traballar por resultados na saúde e nos dereitos sanitarios da cidadanía.

No desenvolvemento destas estratexias estanse executando e se acometerán diversas accións entre as que destacan:

1. No terreo da garantía de dereitos:
 - O novo plantexamento da produción normativa:
 - Lei de Saúde de Galicia, pedra angular dun Código Sanitario Galego de carácter estruturalista.
 - Bateria lexislativa en preparación. Anteproxectos de Lei de: Saúde Pública, Servizo Galego de Saúde (Lei de hospitais), Sistema de información da Saúde e Centro de información e de Soporte Tecnolóxico, Escola Galega de Saúde Pública e Administración Sanitaria, Instituto Galego de Investigación Sanitaria, Drogas, Ordenación Farmacéutica.
 - Desenvolvemento regulamentario.
2. No terreo da transparencia:
 - Espazo de Saúde. A integración das canles de comunicación e relación coa cidadanía: web, telefónica e presencial.
 - Plans de comunicación interna e externa.
3. No terreo da continuidade asistencial:
 - Definición, pacto e desenvolvemento do novo modelo de Atención Primaria:
 - Recursos: humanos, técnicos e tecnolóxicos.
 - Incremento da capacidade de resolución.
 - Desburocratización.
 - Intensificación do uso das tecnoloxías da información e comunicación: historia clínica, receita electrónica, imaxe dixital.

- Establecemento de melloras organizativas e nos métodos de traballo.
 - Reorganización asistencial.
 - Potenciar o acceso a medios diagnósticos.
- Profundización e asentamento das liñas de traballo que viñamos desenvolvendo.
4. Na incentivación e motivación dos profesionais.
- Plan de incentivación e mellora dos profesionais, que conten:
- Plan de estabilización do persoal do Servizo Galego de Saúde.
 - Aumento da dedicación exclusiva (potenciación, loita contra situacións irregulares)
 - Ampliación da carreira profesional a outros colectivos: Persoal de xestión de servizos.
 - Xeración de criterios de carreira profesional.
 - Estatutarización e integración do persoal das Fundacións no Servizo Galego de Saúde.
 - Xerarquización e acceso á carreira profesional do persoal estatutario especialista de cota do Servizo Galego de Saúde.
 - Conciliación vida laboral- vida persoal.
 - Acceso ao réxime transitorio de carreira dos psicólogos especialistas sanitarios.
 - Plan de ordenación parcial sobre reclasificación de categorías por peche de servizos e creación de novas categorías.
 - Acordo sobre mellora das condicións de traballo.
 - Oferta de emprego público e concurso de traslados cada dous anos.
 - Acordo de mobilidade administrativa.
 - Programa de prevención da violencia laboral.
 - Plan xeral de prevención de Riscos Laborais.
 - Concurso de traslados de veterinarios de Saúde Pública.
 - Oferta de emprego para farmacéuticos inspectores de saúde pública.

- Plan de formación:

- Programa de formación especializada en ciencias da saúde.
- Programa para a xestión da información en docencia e investigación na intranet.
- Plataforma de formación a distancia: Mestre.
- Programa de calidade na formación práctica pregrado en profesións sanitarias.
- Plan de formación continuada sanitaria.
- Programa de formación continuada no uso racional do medicamento en colaboración co Ministerio de Sanidade e Consumo.
- Posta en funcionamento da Biblioteca Virtual do Sistema Sanitario de Galicia.
- Novo programa de formación práctica para a mellora da competencia profesional.

5. Calidade e melloras dos servizos sanitarios.

- Intensificación do Plan Integral de Mellora da eficiencia Hospitalaria e Redución dos tempos de espera:

- Actividade Cirúrxica.
- Consultas e probas complementarias e de xestión dos procedementos ambulatorios (consultas de Alta Resolución, asistencia ordinaria en xornada de tarde no ámbito hospitalario).

- Plan de integración de Fundacións en Empresas Públicas no Servizo Galego de Saúde.

Abordando ás seguintes fases:

- Saneamento económico-financeiro e orzamentario.
- Proceso de integración das Fundacións no Servizo Galego de Saúde.
- Inicio do proceso de liquidación das Fundacións.

- Melloras na xestión en Áreas Sanitarias:

- Programa de orzamentación por actividade.
- Desenvolvemento da xestión por procesos nas áreas clínicas.
- Coordinación de hospitais básicos con hospitais de referencia.
- Mellora na xestión de pacientes sen hospitalización: reorganización e optimización da rede de hospitalización a domicilio.

- Melloras nos sistemas de información sanitaria:

- Incorporar a variable de sexo nos sistemas de información e bases de datos do sistema, para facer visibles as mulleres e ter en conta as diferenzas nas formas de enfermarse e de manifestarse a enfermidade.

- Consolidación de programas asistenciais:

- Saúde bucodental.
- Convenio Servizo Galego de Saúde- Colexio de ópticos e optometristas.
- Implantación do Plan de atención integral a saúde da muller para mellorar a atención sanitaria ás mulleres, en todas as etapas da vida, nas cuestións que lles afectan de forma diferenciada.

- Consulta Preconcepcional en Atención Primaria.

- Atención ao embarazo sen risco dende Atención Primaria.

- Cribado de cancro de cervix con tomas citolóxicas por persoal adestrado de Atención Primaria.

- Creación de Unidades de Atención ao Parto natural nos hospitais públicos

- Ampliación das Unidades de Reprodución Humana Asistida.

- Creación dun Laboratorio de referencia en Galicia para o Diagnóstico Xenético Preimplantacional.

- Convocatoria para a apertura de novas oficinas de farmacia.

- Consolidación de programas de saúde pública:

- Seguridade alimentaria e sanidade ambiental.
- Laboratorio salmonela.
- Mellora no diagnóstico precoz de enfermidades mediante programas de cribado: cancro de mama, metabolopatías xordeira, cancro xinecolóxico e de colon.

- Mellora na vixilancia e control sobre enfermidades transmisibles e non transmisibles: Regat, vixilancia e control de abrochos, enquisa alimentaria e mellora nos programas de vacinación infantil e das coberturas das diferentes vacinacións coa inclusión da vacina contra o Virus do Papiloma Humano (VPH) en nenas antes do inicio das relacións sexuais, de acordo cos criterios do Consello Interterritorial de Sistema Nacional de Saúde.

- Desenvolvemento de plans de reequilibrio territorial do Sistema Sanitario Galego, para a reordenación de recursos nas áreas sanitarias: Plan Pontevedra, Plan Vigo e Plan Ferrol.

- Aumento da eficiencia na xestión e na prestación dos servizos sanitarios:

- Seguimento, control e racionalización do gasto.
- Medidas de mellora no goberno e na xestión dos centros sanitarios.
- Sistema de compras integrais.
- Xestión da Calidade.
- Melloras na loxística.
- Melloras nos catálogos de produtos e servizos.
- Melloras na calidade e seguridades de pacientes

- Plan de reformas e construción de Centros de saúde e Complexos Hospitalarios.

- Rede de saúde:

- Nova rede de telecomunicación.
- A Historia Clínica Electrónica:
 - Ianus (implantación en todos os complexos, en 600 novas consultas de AP, 90% dos facultativos de AP con acceso a IANUS).
 - Receita Electrónica: 90% de facultativos con acceso a prescrición electrónica. Pilotaxe da dispensación en oficinas de farmacia.
 - Proxecto corporativo de Imaxe Dixital. Imaxe médica dixital en todos os centros hospitalarios entre 2007 e 2008 a través dun proxecto único.
- Espazo de Saúde (web, Call Center e nova atención presencial)
- Optimización dos procesos de xestión (docentes, información analítica, etc).

- Conformación do Mapa Sanitario de Galicia.

6. No eido da participación:

- Consolidación dos instrumentos de participación existentes: Consello Galego, Consello Asesor, Consello de Área de Ferrol.
- Consolidación do Acordo Básico pola Saúde en Vigo.
- Plantexamento do Acordo Básico pola Saúde en Pontevedra e Ferrol.
- Acordo básico pola Saúde en Galicia.
- Novas fórmulas de participación derivadas da Lei de Saúde de Galicia: as xuntas de goberno das áreas sanitarias.

7. No eido das accións no exterior:

- Arxentina:

- Plan de empresa do Hospital do Centro Galego de Bos Aires.
- OSPAÑA: Obra social dos emigrantes españois e descendentes na República Arxentina.

- Uruguai:

- Hospital Mutual de Casa Galicia.
- Venezuela:
- Fundación España- Salud.
 - Posta en funcionamento dos programas asistenciais da Fundación.

Finalmente debe efectuarse unha mención á previsión indicada na Orde da Consellería de Economía e Facenda do 28 de xuño de 2007, pola que se ditan as instrucións para a elaboración dos orzamentos xerais da Comunidade Autónoma de Galicia para o ano 2008, na que se plantexa o inicio da metodoloxía que permita visualizar a perspectiva de xénero nos orzamentos.

Neste senso, é importante destacar que o abordaxe da perspectiva de xénero lévase a cabo así dentro dunha estratexia de incorporación paulatina que permitirá afianzar os avances que se vaian producindo como bases dun posterior desenvolvemento. Por iso, por parte da Consellería de Sanidade e do Servizo Galego de Saúde terase en conta, na selección de indicadores, a dispoñibilidade de datos nos sistemas de información que permitan a desagregación pola variable sexo e permitan, por tanto, unha análise da situación baixo dita visión. En calquera caso, dentro deste enfoque de xénero, preténdense abordar os pasos necesarios para adecuar os sistemas de información e avaliación dos distintos programas de modo que permitan dispoñer dos indicadores precisos.

3. ORZAMENTO DE GASTOS PARA O ANO 2008

3.1 DISTRIBUCION FUNCIONAL. PROGRAMAS DE GASTO

3.1.1. Da Consellería de Sanidade

PROGRAMA 411A. DIRECCIÓN E SERVIZOS XERAIS DE SANIDADE

1. Descrición

O programa de Dirección e Servizos Xerais inclúe todas aquelas actividades de dirección, coordinación e control dos medios materiais e humanos que se desenvolvan tanto no ámbito dos Servizos Centrais como as Delegacións Provinciais.

2. Actividades

Os obxectivos deste programa son:

1. Facer efectivos os dereitos recoñecidos aos cidadáns na lexislación sanitaria.
 - a) Determinando as necesidades sanitarias da poboación.
 - b) Priorizando as necesidades asistenciais.
 - c) Reorientando o sistema sanitario para traballar por resultados na saúde e nos dereitos sanitarios da cidadanía.
 - d) Promover os mecanismos de participación e control sobre o sistema sanitario por parte da cidadanía, os profesionais e outras partes interesadas.
2. Desenvolver a inspección e control dos centros sanitarios da Comunidade Autónoma.
3. Mellorar as tecnoloxías de información sanitaria cara a planificación, a xestión e a prestación dos servizos sanitarios, a docencia e a investigación.
4. A consolidación e perfeccionamento da estrutura administrativa.

5. A racionalización e simplificación do funcionamento da actuación dos servizos administrativos da Consellería de Sanidade.
6. Avaliación de políticas públicas: Seguimento e avaliación do Plan de Saúde de Galicia
7. Desenvolvemento dun plan de Calidade que contemple o desenvolvemento dos aspectos formativos da Lei de Ordenación das Profesións Sanitarias, a acreditación de titores, as necesidades das unidades docentes, as necesidades dos residentes, e os programas específicos de calidade das unidades docentes.

3. Órganos encargados da súa execución

Secretaría Xeral.

Dirección Xeral de Aseguramento e Planificación Sanitaria

PROGRAMA 413A. PROTECCIÓN E PROMOCIÓN DA SAÚDE PÚBLICA

1. Descrición

O programa da Protección e Promoción da Saúde ten como obxectivo fundamental mellorar a saúde da poboación diminuíndo a incidencia e a carga das enfermidades a través da identificación dos factores protectores e de risco e incidindo sobre os axentes sociais para que estes actúen no sentido de favorecer ou diminuír respectivamente os ditos factores. Para todo isto, impulsaranse accións de asesoramento, información, formación, inspeccións, control, sanción e elaboración de normativa de protección da saúde.

Inclúese tamén neste programa o crédito correspondente ao Plano de loita contra Drogodependencias que, integra as medidas conducentes a reducir a demanda de consumo de drogas, así como outras encamiñadas o tratamento dos problemas derivados do devandito consumo. Isto refléxase no desenvolvemento dos seus programas en seis ámbitos

de actuación: Prevención, Asistencia, Reinserción, Formación, Investigación e Coordinación.

2. Actividades

Inclúense:

- As correspondentes aos distintos programas destinados á promoción e protección da saúde da poboación, en concreto de:
 - Mellora da seguridade alimentaria.
 - Protección da saúde fronte a riscos ambientais.
 - Fomento de estilos de vida saudables.
 - Detección precoz de enfermidades mediante programas de cribado.
 - Vixilancia e control epidemiolóxico.
 - Avaliación e calidade.
- As correspondentes ao plano de loita contra a droga:
 - A integración da actividade do plano de loita contra as drogodependencias na rede asistencial.
 - Fortalecer a estrutura de coordinación coas organizacións de loita contra a droga.
 - Desenvolver os programas de prevención e os recursos asistenciais e de reinserción.
 - Reforzar o sistema de indicadores do observatorio de Galicia sobre drogas, e incorporando a perspectiva de xénero.

3. Órganos encargados da súa execución

Secretaría Xeral

Dirección Xeral de Saúde Pública.

PROGRAMA 581A. ELABORACIÓN E DIFUSIÓN ESTATÍSTICA

1. Descrición

A finalidade do programa é a coordinación, recompilación e análise das operacións estatísticas, enquisas, sondaxes ou estudos que se realicen no seo da Consellería e o Servizo Galego de Saúde.

2. Actividades

A coordinación, recompilación e análise das operacións estatísticas, enquisas, sondaxes ou estudos que se realicen no seo da Consellería de Sanidade e do Servizo Galego de Saúde.

3. Órgano encargado da súa execución

Dirección Xeral de Saúde Pública.

3.1.2. Do Servizo galego da Saúde

PROGRAMA 412B. ATENCION PRIMARIA

1. Descrición

O Programa de "Atención Primaria de Saúde" recolle as accións encamiñadas a conseguir a mellora continua do primeiro nivel de Atención Primaria. Así mesmo forman parte do Programa a prestación farmacéutica, e o gasto da actividade propia de Atención Primaria prestada con recursos patrimoniais alleos.

A función asistencial, núcleo básico da atención primaria, diríxese a todas as persoas, sans e enfermas, individualmente e de maneira colectiva e abarca actividades de promoción e educación para a saúde, prevención, curación e rehabilitación, polo tanto é integral, integradora, accesible, continua e permanente.

O desenvolvemento do novo modelo de atención primaria en Galicia, baseado no modelo asistencial que recolle o Decreto 200/1993, supón dotar aos centros de mellor infraestrutura física, incorporar novas prestacións e asegurar a calidade asistencial, aumentando a capacidade de resolución de problemas e incrementando o persoal tanto no número como no tempo de dedicación. Ademais incorpóranse a este nivel asistencial unidades de apoio que permiten axilizar a resposta ás necesidades de saúde da poboación.

Á atención primaria de saúde concédeselle tradicionalmente un papel primordial dentro da atención sanitaria por ser o eixe do sistema sanitario, o primeiro nivel de atención, o nivel máis accesible e a porta de entrada que facilita o acceso ordenado e racional á atención especializada.

- O seu adecuado funcionamento condiciona o funcionamento da atención especializada.
- Contribúe a mellorar o nivel de saúde da poboación ao tratar de forma integral os problemas de saúde.
- Promove, a través da educación sanitaria, a participación cidadá, o autocoidado e a autorresponsabilidade.
- Presta servizos a unha porcentaxe moi grande da poboación, ao longo de toda a vida da persoa.
- Resolve unha parte moi importante dos problemas de saúde demandados pola poboación, manexando recursos sinxelos e proporcionalmente de baixo custo

O goberno galego asinou coas forzas sindicais e coas organizacións profesionais o **“acordo sobre o Plan de Mellora da Atención Primaria de Galicia 2007- 2011”**.

As actuacións deste acordo, van orientadas a tres suxeitos:

- Á cidadanía, para satisfacer as novas necesidades asistenciais e facilitar as decisións que afectan a súa saúde.
- Aos profesionais, respondendo as súas demandas, largo tempo esquecidas, e facilitando o seu desenvolvemento profesional.
- Á organización, mellorando a súa calidade e eficiencia na xestión.

E céntranse nuns aspectos estratéxicos “clave”:

- A calidade dos servizos que se prestan. Un obxectivo irrenunciable da Administración sanitaria, que inclúe os compoñentes científicos e técnicos, pero tamén parámetros de accesibilidade, recursos, organización e participación.
- A capacidade de resolución. Incrementando a efectividade diagnóstica e terapéutica e facilitando a formación dos profesionais, o acceso a probas e tecnoloxías e a aplicación de guías clínicas.
- A continuidade asistencial.
- Naturalmente sen esquecer a promoción da saúde e a prevención das enfermidades, signos de identidade da Atención Primaria.

2. Actividades

No Plan de Mellora da Atención Primaria de Galicia 2007- 2011, as actividades a desenvolver diferéncianse en varias etapas. En concreto no exercicio 2008 están previstas as seguintes actuacións:

Na liña de **desenvolvemento dos recursos humanos**:

- Creación de prazas novas segundo os criterios de reparto de recursos. O 35% das prazas resultantes da aplicación dos criterios propostos polos grupos de traballo.
- Coeficiente corrector de pediatría.
- Modificación do modelo retributivo de cartilla a Tarxeta Sanitaria Individual.
- Solicitar o aumento dun 15% no número de prazas de acceso ás Facultades de Medicina.

- Solicitar o aumento do número de prazas MIR de Medicina Familiar e Comunitaria e de Pediatría.

Na liña de **mellora da capacidade resolutiva**:

- Mellora no Equipamento dos centros: nos centros que aumenten a súa carteira de servizos, dotarase do equipamento necesario e que non dispoñan para poder facelo.
- Acceso á probas diagnósticas con protocolo. Elaboración de protocolos e posta en marcha nas áreas

Na liña de **xestión clínica**:

- Extensión da xestión por procesos na área
- Participación dos centros na súa xestión integral.
- Convocatorias de axudas á investigación en Atención Primaria e enfermería, tendo en conta as liñas priorizadas na sectorial do PGIDIT 2006-2010.
- Desenvolvemento de portafolio como ferramenta de formación e autoavaliación dos profesionais.
- Extensión do módulo de xeración da historia clínica en primaria.
- Extensión do proxecto de receita electrónica.
- Extensión dos formularios de petición de probas, derivación e interconsulta.
- Extensión do acceso á imaxe dixital desde primaria.
- Acceso á IANUS do 50% do resto do persoal sanitario do Servizo Galego de Saúde.
- Acceso ao resto de información clínica de todos os hospitais do Servizo Galego de Saúde.
- Extensión do modelo de central de chamadas por rebosamento ao 50% dos centros.
- Consolidación das estruturas de xestión da calidade, formación metodolóxica e convocatoria de proxectos en mellora da calidade.
- Atención á retinopatía diabética.
- Atención á deshabitación tabáquica.
- Mellora das áreas administrativas dos centros.

Na área de **procesos asistenciais**:

- Implantación do convenio colectivo de ópticos-optometristas.
- Implantación das novas prestacións do Programa de Asistencia Dental Infantil.
- Programa de Atención Asistencial da violencia de xénero
- Plan de Atención Integral a saúde da Muller

3. Órganos encargados da súa execución

Centros de Xestión	Denominación
5001	Servizos Centrais
Provincia: A CORUÑA	
1501	C.H. Juan Canalejo
1505	Área Sanitaria de Ferrol
1507	XAP A Coruña
509	XAP Santiago
1571	C.H. de Santiago
1597	Dirección Prov. A Coruña
Provincia: LUGO	
2701	C.H. Xeral Calde
2703	XAP Lugo
2706	Hospital Comarcal da Costa
2707	Hospital Comarcal de Monforte
2797	Dirección Prov. Lugo
Provincia: OURENSE	
3201	C.H. de Ourense
3204	Hospital de Valdeorras
3206	XAP Ourense
3297	Dirección Prov. Ourense

Provincia: PONTEVEDRA

3601	C.H. Universitario de Vigo
3603	C.H. de Pontevedra
3606	XAP Vigo
3612	XAP Pontevedra
3697	Dirección Prov. Pontevedra

PROGRAMA 412A. ATENCIÓN ESPECIALIZADA

1. Descrición

Comprende, o Programa de "Atención Especializada", o conxunto de actividades sanitarias desenvolvidas nos Centros e polo persoal especializado do sistema sanitario, baixo o seguinte esquema:

1. Centros de Atención Especializada Ambulatoria, constituído por centros de especialidades adscritos á Atención Especializada da rede propia do Servizo Galego de Saúde.
2. Centros Hospitalarios xestionados e administrados polo Servizo Galego de Saúde, baixo o modelo tradicional ou con novas formas de xestión.
3. Servizos de Asistencia Especializada Concertada.
4. Prestacións sanitarias complementarias con fins terapéuticos ou de rehabilitación.

O nivel especializado da asistencia sanitaria debe xoga-lo papel que lle corresponde, cumprindo unha labor de apoio á atención primaria da saúde -coa que debe estar coordinada- e desenvolvendo aquelas funcións e actividades que non poden ser exercidas polo primeiro escalón asistencial, prestando unha asistencia de calidade coa maior eficiencia posible.

2. Actividades

Debe ser unha obriga do sistema sanitario garantir a calidade dos procesos de servizo e das infraestruturas e equipamentos dispoñibles na prestación da asistencia sanitaria cara a obter os resultados na saúde e nos dereitos sanitarios da cidadanía.

Dentro deste obxectivo considérase necesario levar a cabo unha serie de actividades, entre as que poden destacarse as seguintes:

1. Na área de consultas:

- Implantación do modelo de consultas de acto único.
- Potenciación do programa de altas en consultas externas.
- Implantación e desenvolvemento da xestión por procesos asistenciais.

2. Na área cirúrxica:

- Atención preferente á xestión de pacientes de prioridade 1.
- Potenciación do desenvolvemento da cirurxía maior ambulatoria e actualización das patoloxías susceptibles da súa aplicación.
- Abordaxe específico das listas de espera en cirurxía bariátrica, cirurxía de columna e cirurxía plástica e reconstructiva.
- Elaboración e aplicación de protocolos de inclusión en listas de espera baseados na evidencia plena.

3. Na área de integración de coidados:

- Desenvolvemento de proxectos para garantir a seguridade do paciente: identificación neonatal, infección nosocomial.

4. Na área de recursos humanos:

- Desenvolvemento da OPE e concurso de traslados do persoal.
- Desenvolvemento dos criterios para o acceso definitivo á carreira profesional do persoal licenciado e diplomado sanitario.
- Integración do persoal das Fundacións Públicas Sanitarias.
- Plan de Estabilidade de Facultativos Sanitarios

5. Na área de procesos asistenciais:

- Posta en marcha dos equipos básicos de cuidados paliativos, con desenvolvemento do programa formativo para profesionais e das comisións técnicas.
- Aplicación dos criterios contemplados na estratexia en cancro do Sistema Nacional de Saúde e do Plan de Saúde de Galicia nos tumores máis prevalentes da nosa Comunidade.
- Posta en marcha dun Rexistro Autonómico de Tumores e establecemento de centros de referencia para patoloxía oncolóxica pouco prevalente en Galicia.
- Actualización e modificación da asignación de referencias hospitalarias na Comunidade Autónoma.
- Elaboración de Plans Funcionais na área de urxencias de cada centro, recollendo as condicións organizativas da prestación.
- Elaboración, desenvolvemento e posta en marcha dun sistema de información para a xestión de procedementos ambulatorios nos hospitais do SERGAS.
- Avaliación dun proxecto de remodelación organizativa do Servizo de Admisión e Documentación Clínica.
- Plan de Atención Integral á saúde da Muller

6. Na área de investimentos:

- Continuación co desenvolvemento cuatrienal contido na planificación da incorporación e renovación da alta tecnoloxía do Servizo Galego de Saúde.
- Continuar coa execución das actuacións de construción de novos centros hospitalarios e de reformas de ampliación a través dos plans directores en execución.

3.Órganos encargados da súa execución

Centros de xestión Denominación

5001 Servizos Centrais

Provincia: A CORUÑA

1501	C.H. Juan Canalejo-Marítimo de Oza
1505	Área Sanitaria de Ferrol
1571	C.H. Universitario de Santiago
1597	Dirección Provincial A Coruña

Provincia: LUGO

2701	C.H. Xeral Calde
2706	Hospital da Costa
2707	Hospital de Monforte
2797	Dirección Provincial de Lugo

Provincia: OURENSE

3201	C.H. de Ourense
3204	Hospital do Barco de Valdeorras
3297	Dirección Provincial de Ourense

Provincia: PONTEVEDRA

3601	C.H. Universitario de Vigo
3603	C.H. de Pontevedra
3697	Dirección Provincial de Pontevedra

PROGRAMA 411A. DIRECCIÓN E SERVIZOS XERAIS DE SANIDADE

1. Descrición

O programa de Dirección e Servizos Xerais inclúe todas aquelas actividades de dirección, coordinación e control dos medios materiais e humanos que se desenvolven tanto no ámbito das Direccións Provinciais do Servizo Galego de Saúde coma nos Servizos Centrais do Organismo.

Abarcará os servizos administrativos das Direccións Provinciais da inspección sanitaria e os Servizos de Informática.

2. Actividades

Os obxectivos básicos deste programa son:

1. Mellorar as tecnoloxías de información sanitaria cara á xestión e á prestación dos servizos sanitarios.
2. A consolidación e perfeccionamento da estrutura administrativa.
3. A racionalización e simplificación do funcionamento da actuación dos servizos administrativos do Servizo Galego de Saúde.
4. Autorizacións para apertura e funcionamento de Centros, Servizos e Unidades sanitarias e execución de auditorías en centros hospitalarios propios e concertados.

3. Órganos encargados da súa execución

Centros de xestión	Denominación
5001	Servizos Centrais
1597	Dirección Provincial A Coruña
2797	Dirección Provincial de Lugo
3297	Dirección Provincial de Ourense
3697	Dirección Provincial de Pontevedra.

PROGRAMA 414A. FORMACIÓN DE GRADUADOS E POSGRADUADOS.

1. Descrición

O programa de "Formación de Persoal Sanitario" ten como finalidade xenérica adecuar os coñecementos e perfís profesionais das persoas que inician a prestación de servizos no sistema sanitario e en concreto:

1. A formación de especialistas que esixe o programa que desenvolvan os residentes médicos e farmacéuticos.
2. A formación pregraduada de Diplomados de Enfermería.
3. A formación continuada dos profesionais que prestan os seus servizos no sistema sanitario.

Todo iso a través da actualización permanente dos coñecementos dos profesionais integrados no sistema sanitario, elevando a calidade de persoal sanitario nos aspectos asistencial e preventivo. Así mesmo precísase axustar os coñecementos profesionais das persoas que prestarán os seus servizos no sector sanitario ás necesidades reais do sistema, a través da organización de programas e cursos de formación. Por iso formaranse especialistas nos sectores de maior interese para o sistema sanitario e potenciarase a formación científica e técnica dos profesionais sanitarios.

2. Actividades

Entre as actuacións deste programa están as seguintes:

1. O reciclaxe e a formación do persoal sanitario de acordo coas novas funcións tecnolóxicas e sistemas de xestión.
2. A realización de diversos cursos agrupando o redor de tres grandes áreas temáticas: Xestión, Xestión Clínica e I + D co obxecto de amalgamar as diversas áreas de necesidade formativa.
3. Manter e desenvolver o Sistema Acreditador da Formación Continuada dos

profesionais sanitarios da Comunidade Autónoma.

3. Órganos encargados da súa execución

Centros de xestión		Denominación
5001		Servizos Centrais
Provincia: A CORUÑA		
1501		C.H. Juan Canalejo-Marítimo de Oza
1505		Área Sanitaria de Ferrol
1507		X.A.P. A Coruña
1509		X.A.P. Santiago
1571		C.H. Universitario de Santiago
Provincia: LUGO		
2701		C.H. Xeral - Calde
2703	X	.A.P. Lugo
Provincia: OURENSE		
3201		C.H. de Ourense
3206		X.A.P. Ourense
Provincia: PONTEVEDRA		
3601		C.H. Universitario de Vigo
3603		C.H. de Pontevedra
3606		X.A.P. Vigo

4. CADROS NUMÉRICOS

Orzamento consolidado. Distribución dos créditos por programas e servizos

	SERVIZOS				TOTAL
	01	02	03	80	
411A Dirección e servizos xerais de sanidade	23.834,9		5.133,3	59.866,6	88.834,8
412A Atención especializada				2.050.909,8	2.050.909,8
412B Atención primaria				1.376.557,4	1.376.557,4
413A Protección e promoción da saúde pública	19.245,3	58.803,4			78.048,7
414A Formación de graduados e posgraduados				44.525,1	44.525,1
581A Elaboración e difusión estatística		125,0			125,0
TOTAL	43.080,2	58.928,4	5.133,3	3.531.858,9	3.639.000,8

(Miles de euros)

Orzamento consolidado. Distribución dos créditos por programas e capítulos

	CAPÍTULOS							TOTAL
	I	II	IV	V	VI	VII	VIII	
411A Dirección e servizos xerais de sanidade	34.102,6	6.781,8	5.943,0		40.063,7	1.552,1	391,6	88.834,8
412A Atención especializada	958.253,9	815.955,6	164.923,5	22.068,2	87.850,2	1.600,0	258,4	2.050.909,8
412B Atención primaria	415.072,6	37.059,6	856.773,7	43.047,5	24.604,0			1.376.557,4
413A Protección e promoción da saúde pública	27.032,6	1.066,5	13.476,0		36.143,3	330,3		78.048,7
414A Formación de graduados e posgraduado	44.101,2	9,2			414,7			44.525,1
581A Elaboración e difusión estatística					125,0			125,0
TOTAL	1.478.562,9	860.872,7	1.041.116,2	65.115,7	189.200,9	3.482,4	650,0	3.639.000,8

(Miles de euros)

Distribución orgánica

01	SECRETARÍA XERAL	2007	2008	% Var.
Cap. I	Gastos de persoal	14.542,7	17.290,6	18,9
Cap. II	Gastos en bens correntes e servizos	2.291,5	2.348,7	2,5
Cap. IV	Transferencias correntes	15.392,0	16.340,2	6,2
Cap. VI	Investimentos reais	5.143,1	5.570,4	8,3
Cap. VII	Transferencias de capital	1.395,7	1.530,3	9,6
TOTAL		38.765,0	43.080,2	11,1

(Miles de euros)

02	D. X. DE SAÚDE PÚBLICA	2007	2008	% Var.
Cap. I	Gastos de persoal	25.939,2	27.032,6	4,2
Cap. IV	Transferencias correntes	250,9	347,9	38,7
Cap. VI	Investimentos reais	28.902,9	31.547,9	9,2
TOTAL		55.093,0	58.928,4	7,0

(Miles de euros)

03	D. X. DE ASEGU. E PLANIFICACIÓN SANITARIA	2007	2008	% Var.
Cap. I	Gastos de persoal	2.023,8	2.799,5	38,3
Cap. VI	Investimentos reais	1.761,2	1.981,7	12,5
Cap. VII	Transferencias de capital	351,7	352,1	0,1
TOTAL		4.136,7	5.133,3	24,1

(Miles de euros)

80	SERVIZO GALEGO DE SAÚDE	2007	2008	% Var.
Cap. I	Gastos de persoal	1.322.661,2	1.431.440,2	8,2
Cap. II	Gastos en bens correntes e servizos	802.075,9	858.523,9	7,0
Cap. IV	Transferencias correntes	960.964,2	1.024.428,2	6,6
Cap. V	Fondo de continxencia	61.706,4	65.115,7	5,5
Cap. VI	Investimentos reais	140.675,7	150.100,9	6,7
Cap. VII	Transferencias de capital	1.406,9	1.600,0	13,7
Cap. VIII	Activos financeiros	650,0	650,0	0,0
TOTAL		3.290.140,3	3.531.858,9	7,3

SERVIZO		2007	2008	% Var.
01	SECRETARÍA XERAL	38.765,0	43.080,2	11,1
02	D. X. DE SAÚDE PÚBLICA	55.093,0	58.928,4	7,0
03	D. X. DE ASEGU. E PLANIFICACIÓN SANITARIA	4.136,7	5.133,3	24,1
80	SERVIZO GALEGO DE SAÚDE	3.290.140,3	3.531.858,9	7,3
TOTAL		3.388.135,0	3.639.000,8	7,4

(Miles de euros)

Consellería e organismo autónomo

	Consellería		Organismos autónomos		Transferencias internas		TOTAL CONSOLIDADO	
	2007	2008	2007	2008	2007	2008	2007	2008
Cap. I Gastos de persoal	42.505,7	47.122,7	1.322.661,2	1.431.440,2			1.365.166,9	1.478.562,9
Cap. II Gastos en bens Corr. e Serv.	2.291,5	2.348,7	802.075,9	858.523,9			804.367,4	860.872,6
Cap. III Gastos financeiros								
Cap. IV Transferencias corentes	3.119.228,7	3.345.909,3	960.964,2	1.024.428,2	3.103.585,8	3.329.221,2	976.607,1	1.041.116,3
Cap. V Fondo de continxencia			61.706,4	65.115,7			61.706,4	65.115,7
<i>OPERACIÓNS CORRENTES</i>	3.164.025,9	3.395.380,7	3.147.407,7	3.379.508,0	3.103.585,8	3.329.221,2	3.207.847,8	3.445.667,5
Cap. VI Investimentos reais	35.807,2	39.100,0	140.675,7	150.100,9			176.482,9	189.200,9
Cap. VII Transferencias de capital	1.747,4	5.601,1	1.406,9	1.600,0		3.718,7	3.154,3	3.482,4
Cap. VIII Activos financeiros			650,0	650,0			650,0	650,0
<i>OPERACIÓNS DE CAPITAL</i>	37.554,6	44.701,1	142.732,6	152.350,9		3.718,7	180.287,2	193.333,3
TOTAL BRUTO	3.201.580,5	3.440.081,8	3.290.140,3	3.531.858,9	3.103.585,8	3.332.939,9		
TRANSFERENCIAS INTERNAS					3.103.585,8	3.332.939,9		
TOTAL CONSOLIDADO	3.201.580,5	3.440.081,8	3.290.140,3	3.531.858,9	3.103.585,8	3.332.939,9	3.388.135,0	3.639.000,8

(Miles de euros)

Sociedades públicas

	2007			2008			% Var.		
	Explo.	Capit.	TOTAL	Explo.	Capit.	TOTAL	Explo.	Capit.	TOTAL
MEDTEC, S.A.	30.093,0	5.615,0	35.708,0	33.594,0	1.972,0	35.566,0	11,6	-64,9	-0,4
F. PÚBLICA INST. G. DE OFTALMOLOXÍA	2.209,0	199,0	2.408,0	2.286,0	138,0	2.424,0	3,5	-30,7	0,7
F. PÚBLICA HOSPITAL DE VERÍN	13.242,0	299,0	13.541,0	14.589,0	399,0	14.988,0	10,2	33,4	10,7
F. PÚBLICA HOSPITAL DA BARBANZA	18.129,0	220,0	18.349,0	20.807,0	452,0	21.259,0	14,8	105,5	15,9
F. PÚBLICA VIRXE DA XUNQUEIRA	15.511,0	207,0	15.718,0	17.931,0	500,0	18.431,0	15,6	141,5	17,3
F. P. ESCOLA G. DE ADMÓN SANITARIA	2.929,0	124,0	3.053,0	3.426,0	122,0	3.548,0	17,0	-1,6	16,2
F. P. URXENCIAS SANITA. DE GALICIA	38.768,0	238,0	39.006,0	42.300,0	154,0	42.454,0	9,1	-35,3	8,8
F. P. HOSPITAL DO SALNÉS	18.516,0	173,0	18.689,0	21.095,0	137,0	21.232,0	13,9	-20,8	13,6
F.P. CENTRO TRANSFUSIÓN GALICIA	21.455,0	1.133,0	22.588,0	23.993,0	651,0	24.644,0	11,8	-42,5	9,1
F.P. GALEGA MEDICIÓN XENÓMICA	1.475,0	98,0	1.573,0	2.051,0	358,0	2.409,0	39,1	265,3	53,1

(Miles de euros)

Medios persoais

Consellería

	2007	2008
<i>Altos cargos</i>	8	8
<i>Persoal funcionario</i>	1.100	1.148
Grupo A	812	784
Grupo B	52	57
Grupo C	95	104
Grupo D	128	185
Grupo E	13	18
<i>Persoal laboral</i>	106	103
Grupo I	4	3
Grupo II	4	4
Grupo III	15	18
Grupo IV	66	62
Grupo V	17	16
<i>Outro persoal</i>	4	6
TOTAL	1.218	1.265

SERGAS

	At. primaria	At. especia.	Serv. Xerais	TOTAL
Altos cargos			4	4
P. Directivo	48	109		157
P. Facultativo	2.569	4.002		6.571
P. Sanitario non facultativo	2.525	11.654		14.179
P. non sanitario	2.044	6.005		8.049
P. Funcionario	793	555	345	1.693
P. Laboral	1	240	4	245
P. MIR	289	1.012		1.301
P. de cota	876	142		1.018
Outro persoal		55		55
TOTAL	9.145	23.774	353	33.272